



جابتن حال إحوال إكمام إسلام قولوا فينخ  
JABATAN HAL EHWAL AGAMA ISLAM PULAU PINANG



KHUTBAH AIDIL FITRI 1447H  
**AIDIL FITRI YANG DINANTI,  
REDA ILAHI YANG DICARI**



Tarikh Bacaan:  
**1 SYAWAL 1447H**

Dibiayai :



MAJLIS AGAMA ISLAM  
NEGERI PULAU PINANG

Diterbitkan :



JABATAN HAL EHWAL AGAMA ISLAM  
PULAU PINANG

***Jawatankuasa  
Panel Semakan Teks Khutbah  
Negeri Pulau Pinang***

- 1. Sahibus Samahah Prof. Madya Dato' Dr. Mohd Sukki bin Othman (Pengerusi)**  
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**  
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**  
Mantan Penasihat, Pusat Pengajian Tahfiz Al-Quran (PPTQ)  
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**  
Mantan Pensyarah Kanan, IPG Kampus Tuanku Bainun
- 5. YBrs. Dr. Mohamad Zaki bin Hj Abdul Halim**  
Penolong Mufti, Bahagian Fatwa,  
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**  
Mantan Penyelaras Program Intervensi Kaunseling,  
Universiti Sains Malaysia
- 7. YBhg. Ustaz Ahmad Shahimi bin Senawi**  
Pendakwah
- 8. Ustaz Mohd Hanif bin Omar @ Wahab (Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)



Khutbah Aidil Fitri 1447H  
Aidil Fitri Yang Dinanti,  
Reda Ilahi Yang Dicari

(1 Syawal 1447H)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،  
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،  
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،  
وَلِلَّهِ الْحَمْدُ.

اللَّهُ أَكْبَرُ كَثِيرًا وَالْحَمْدُ لِلَّهِ كَثِيرًا وَسُبْحَانَ اللَّهِ بُكْرَةً وَأَصِيلًا، لَا إِلَهَ إِلَّا اللَّهُ وَحْدَهُ،  
صَدَقَ وَعْدُهُ، وَنَصَرَ عَبْدَهُ، وَأَعَزَّ جُنْدَهُ، وَهَزَمَ الْأَحْزَابَ وَحْدَهُ.

الْحَمْدُ لِلَّهِ الَّذِي أَكْرَمَنَا بِنِعْمَةِ الْإِيمَانِ وَالْإِسْلَامِ، وَفَضَّلَنَا عَلَى كَثِيرٍ مِنَ الْأُمَمِ،  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ وَحَبِيبُهُ.  
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ، وَعَلَى آلِهِ وَصَحْبِهِ وَالتَّابِعِينَ وَتَابِعِي  
التَّابِعِينَ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.  
أَمَّا بَعْدُ، فَيَا أَيُّهَا الْمُسْلِمُونَ، اتَّقُوا اللَّهَ، أَوْصِيكُمْ وَآيَاتِي بِتَقْوَى اللَّهِ، فَقَدْ فَازَ الْمُتَّقُونَ.  
قَالَ اللَّهُ تَعَالَى : يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ ﴿١٣٢﴾

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ

## PARA TETAMU ALLAH YANG DIMULIAKAN,

Di pagi 1 Syawal yang penuh keberkatan, kemeriahan dan kemenangan ini, marilah kita sama-sama meningkatkan ketakwaan kepada Allah dengan melaksanakan segala perintah-Nya dan menjauhi segala larangan-Nya. Membesarkan Allah dengan takbir, tahmid dan tahlil, tanda kesyukuran kerana kita telah berjaya menyempurnakan ibadah puasa Ramadan yang lalu.

Sesungguhnya Ramadan telah mendidik jiwa kita, dan Aidil Fitri datang sebagai hadiah kemenangan, kemenangan melawan nafsu, kemenangan menjaga iman, dan kemenangan mendidik hati supaya hampir kepada Tuhan. Justeru, untuk menghayati suasana pagi Aidil Fitri ini, marilah kita mendengar khutbah yang bertajuk **Aidil Fitri Yang Dinanti, Reda Ilahi Yang Dicari**.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

## SIDANG JEMAAH YANG BERBAHAGIA,

Hari ini adalah hari bergembira yang disyariatkan oleh Islam. Diharamkan berpuasa, disunatkan bertakbir dan mendirikan solat sunat Aidilfitri.

Aidilfitri merupakan anugerah Allah *سُبْحَانَهُ وَتَعَالَى* kepada orang beriman yang bermujahadah sepanjang Ramadan. Ia adalah hadiah kemenangan melawan segala tuntutan nafsu yang meruntun jiwa selama sebulan berpuasa. Marilah kita menyambut hari yang dinanti ini dengan penuh kesyukuran lantaran nikmat yang dikurniakan Allah. Walaupun *salafus soleh* bersedih

dengan pemergian Ramadan, namun Aidil Fitri disambut juga dengan suasana ceria dan gembira.

Aidilfitri bukan sekadar hari memakai baju baru, tetapi hari memperbaharui iman yang sedia ada. Imam Hasan Al-Basri رَحِمَهُ اللهُ berkata: “Setiap hari yang tidak dilakukan maksiat kepada Allah, maka itulah hari raya bagi seorang mukmin”

Maka, hari raya sebenar ialah apabila kita menjauhi maksiat dan tidak melakukan dosa kepada Allah سُبْحَانَهُ وَتَعَالَى .

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

#### **HADIRIN HADIRAT YANG DIMULIAKAN,**

Aidilfitri bukan sekadar tentang makanan dan pakaian, tetapi tentang mengeratkan hubungan, membersihkan hati dan menenangkan jiwa.

Justeru, jadikan langkah kita dalam mengharungi bulan Syawal sebagai satu permulaan dalam meneruskan kehidupan yang terbaik sebagaimana yang dituntut oleh Islam. Rebutlah peluang menyambut kemeriahan ini dengan mengeratkan hubungan silaturrahim dan ukhuwah dengan doa dan ucapan yang baik.

Apabila bertemu sesama muslim, lafazkanlah ucapan تَقَبَّلَ اللهُ مِنَّا وَمِنْكُمْ iaitu semoga Allah menerima amalan kami dan kamu. Semua ini menunjukkan tanda hadiah dan kesyukuran kita kepada Allah. Allah سُبْحَانَهُ وَتَعَالَى berfirman dalam surah al-Baqarah ayat 185:

...وَلِتُكْمِلُوا الْعِدَّةَ وَلِتُكَبِّرُوا اللَّهَ عَلَىٰ مَا هَدَيْتُمْ وَلِعَلَّكُمْ تَشْكُرُونَ ﴿١٨٥﴾

Maksudnya: “Dan hendaklah kamu mencukupkan bilangannya (sebulan Ramadan) dan hendaklah kamu mengagungkan Allah atas petunjuk-Nya yang diberikan kepadamu semoga kamu bersyukur.”

Malah untuk memeriahkan dan mengukuhkan ikatan persaudaraan terutamanya ikatan kekeluargaan, umat Islam digalakkan menjamu dan menikmati juadah hari raya dengan penuh kesyukuran.

Pada hari kemenangan yang menzahirkan adab, akhlak, dan kemuliaan budi, muliakanlah tetamu dan kukuhkan tali silaturrahim yang dituntut oleh agama. Sekiranya berkemampuan, hidangkanlah tetamu dengan seikhlas hati kerana layanan yang penuh hormat dan kasih sayang membawa rahmat dan keberkatan. Bagi yang sederhana rezekinya, usah khuatir. Layanan yang ikhlas akan sampai ke hati malah sangat bernilai di sisi Ilahi. Seperti kata-kata Imam Asy-Syafie رَحِمَهُ اللَّهُ:

“Memuliakan tetamu itu tanda kemuliaan akhlak seseorang”.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

## MUSLIMIN DAN MUSLIMAT YANG DIRAHMATI SEKALIAN,

Kemeriahan Aidilfitri yang dinanti-nantikan hanya benar-benar dapat dirasakan oleh umat Islam yang ikhlas beribadah kerana mengharapkan keredaan Ilahi. Mereka yang sentiasa melakukan kebaikan, tidak jemu memohon keampunan kepada Allah, menjauhi perkara keji dan mungkar,

serta menanamkan rasa cinta kepada perpaduan dan persaudaraan sesama insan.

Hari raya kehilangan maknanya jika adik-beradik masih bermasam muka. Hari raya kehilangan sinarnya jika sanak saudara saling tidak bertegur sapa. Hari raya kehilangan keberkatan jika kawan, jiran dan sesama anak kariah masih menyimpan dendam di dada.

Semua ini wajib kita perbaiki dan selesaikan segera agar kita benar-benar menjadi hamba yang bertakwa. Itulah tujuan dan objektif utama ibadah puasa yang telah kita lalui sepanjang Ramadan sebagaimana firman Allah **لَعَلَّكُمْ تَتَّقُونَ** mudah-mudahan kamu menjadi orang yang bertakwa.

Hadis daripada Anas bin Malik **رَضِيَ اللَّهُ عَنْهُ** bahawa Rasulullah **صَلَّى اللَّهُ عَلَيْهِ وَسَلَّمَ** bersabda:

**مَنْ أَحَبَّ أَنْ يُبَسِّطَ لَهُ فِي رِزْقِهِ، وَيُنْسَأَ لَهُ فِي أَثَرِهِ، فَلْيَصِلْ رَحِمَهُ**

Maksudnya: “Sesiapa yang suka agar diluaskan rezekinya dan dipanjangkan umurnya, maka hendaklah dia menghubungkan silaturrahim.”

(Hadis Riwayat al-Bukhari dan Muslim)

Ingatlah! Jikalau ibu bapa kita sudah meninggal dunia, kita dituntut untuk menziarahi keluarga dan kenalan ibu bapa kita untuk menyambung silaturrahim. Maka ambillah peluang di hari raya ini dengan menziarahi, bertanya khabar dan memuliakan mereka. Diriwayatkan oleh Abdullah bin Umar r.a. bahawa Nabi **صَلَّى اللَّهُ عَلَيْهِ وَسَلَّمَ** telah bersabda:

إِنَّ أَبْرَ الْبِرِّ أَنْ يَصِلَ الرَّجُلُ وَدَّ أَبِيهِ

Maksudnya: “*Sesungguhnya kebajikan yang paling utama ialah seseorang itu menyambung hubungan persaudaraan dengan sahabat-sahabat bapanya.*”

(Hadis Riwayat Muslim)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ

### MUSLIMIN DAN MUSLIMAT YANG DIRAHMATI SEKALIAN,

Mengakhiri khutbah Aidilfitri ini, marilah kita mengambil iktibar dari khutbah ini sebagai panduan hidup kita.

**Pertama:** Aidil Fitri ialah kemenangan iman bukan sekadar perayaan.

**Kedua:** Amalan soleh perlu dihidupkan untuk menzahirkan kesyukuran.

**Ketiga:** Hari raya hendaklah disambut dengan ketaatan kepada Allah.

**Keempat:** Silaturrahim membuka pintu rezeki, keberkatan dan kasih sayang.

Firman Allah *سُبْحَانَهُ وَتَعَالَى* dalam surah al-Jasiah ayat 18:

ثُمَّ جَعَلْنَاكَ عَلَىٰ شَرِيعَةٍ مِّنَ الْأَمْرِ فَاتَّبِعْهَا وَلَا تَتَّبِعْ أَهْوَاءَ الَّذِينَ لَا يَعْلَمُونَ ﴿١٨﴾

Maksudnya: “*Kemudian, Kami jadikan kamu (wahai Muhammad) mengikuti syariat (yang lengkap) daripada hukum-hukum agama. Maka, ikutilah (syariat itu) dan janganlah kamu menuruti hawa nafsu orang-orang yang tidak mengetahui (perkara yang sebenar)*”.

بَارَكَ اللهُ لِي وَلَكُمْ بِالْقُرْآنِ الْعَظِيمِ. وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ.  
وَتَقَبَّلَ اللهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُوا  
اللهُ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

اللهُ أَكْبَرُ، اللهُ أَكْبَرُ، اللهُ أَكْبَرُ،

اللهُ أَكْبَرُ، اللهُ أَكْبَرُ، اللهُ أَكْبَرُ، وَلِلَّهِ الْحَمْدُ.



## Khutbah Kedua Aidilfitri

(1 Syawal 1447H)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،  
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،  
اللَّهُ أَكْبَرُ، وَلِلَّهِ الْحَمْدُ.

اللَّهُ أَكْبَرُ كَثِيرًا، وَالْحَمْدُ لِلَّهِ كَثِيرًا، وَسُبْحَانَ اللَّهِ بُكْرَةً وَأَصِيلًا، لَا إِلَهَ إِلَّا اللَّهُ، وَاللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

الْحَمْدُ لِلَّهِ الَّذِي جَعَلَ لَنَا فِي يَوْمِنَا عِيدًا، وَوَهَبَ لَنَا فِيهِ أَجْرًا مَزِيدًا، فَالْحَمْدُ لِلَّهِ عَلَى صِيَامِ شَهْرِ رَمَضَانَ وَإِتِّمَامِ أَيَّامِهِ، فَالْحَمْدُ رَبَّنَا أَوْلًا وَآخِرًا، ظَاهِرًا وَبَاطِنًا.

وَنُصَلِّي وَنُسَلِّمُ عَلَى خَيْرِ خَلْقِ اللَّهِ، مُحَمَّدِ بْنِ عَبْدِ اللَّهِ، وَعَلَى آلِهِ وَصَحْبِهِ وَمَنْ نَصَرَهُ وَوَالَاهُ. أَمَّا بَعْدُ؛ فَاتَّقُوا اللَّهَ، عِبَادَ اللَّهِ، فَإِنَّهَا أَعْظَمُ مَا أُبْتَغَى بِهِ رَحْمَةُ اللَّهِ؛

وَإِنْ تُؤْمِنُوا وَتَتَّقُوا فَلَكُمْ أَجْرٌ عَظِيمٌ ﴿١٧٣﴾ سورة آلِ عِمْرَانَ

### MUSLIMIN MUSLIMAT YANG DIRAHMATI SEKALIAN,

Dalam kerancangan kita menyambut Aidil Fitri, marilah kita ingat bahawa hari raya bukan sekadar kegembiraan, tetapi satu ibadah, tanda kesyukuran kita kepada Allah سُبْحَانَهُ وَتَعَالَى kerana telah menghadirkan Ramadan dengan segala ganjaran yang berlipat ganda. Oleh itu, janganlah kira cemari kemeriahan ini dengan maksiat seperti pembaziran, pergaulan bebas,

berpakaian tidak sopan, leka bermain gajet atau berseronok hingga melampaui batas.

Aidilfitri juga mengingatkan kita tentang tanggungjawab mendidik dan memantau ahli keluarga, khususnya anak-anak remaja. Firman Allah ﷻ

سُبْحَانَهُ وَتَعَالَى dalam Surah at-Tahrim ayat 6:

يَا أَيُّهَا الَّذِينَ ءَامَنُوا قُوا أَنفُسَكُمْ وَأَهْلِيكُمْ نَارًا ۖ

Maksudnya: *“Wahai orang-orang yang beriman, peliharalah dirimu dan keluargamu daripada api neraka yang bahan bakarnya adalah manusia dan batu (berhala)...”*

Hari raya bukan masa melepaskan anak-anak tanpa panduan. Aidilfitri sepatutnya mendekatkan mereka dengan masjid, keluarga dan nilai-nilai Islam. Imam al-Ghazali رَحِمَهُ اللهُ berpesan: “Anak itu amanah. Hatinya suci.

Jika dibiasakan dengan kebaikan, dia membesar dengan kebaikan.”

### **SIDANG JEMAAH YANG DIRAHMATI ALLAH,**

Tidak dilupakan saudara seIslam kita yang berterusan diuji. Di Gaza, wanita, kanak-kanak dan orang tua hidup dalam ketakutan, kelaparan dan kesejukan, berlindung di khemah rapuh dan bangunan rosak. Inilah wajah kezaliman apabila manusia hilang sifat rahmah. Menjadi kewajipan kita untuk mendoakan mereka, membantu setakat kemampuan dan menanam kesedaran umat dalam diri kita.

Akhir sekali, khatib ingin menyeru sidang jemaah sekalian untuk berpuasa sunat enam hari di bulan Syawal, sebagai penyambung ibadah Ramadan dan

tanda kesyukuran kepada Allah سُبْحَانَهُ وَتَعَالَى. Rasulullah telah berpesan dengan sabda Baginda melalui hadis daripada Saidina Abu Ayyub al-Ansari رَضِيَ اللَّهُ عَنْهُ:

مَنْ صَامَ رَمَضَانَ ثُمَّ أَتْبَعَهُ سِنًّا مِنْ شَوَّالٍ كَانَ كَصِيَامِ الدَّهْرِ

Maksudnya: “Sesiapa yang telah berpuasa Ramadan kemudian diikuti pula dengan berpuasa enam hari di bulan Syawal, maka pahalanya adalah seperti berpuasa sepanjang tahun.” (Hadis Riwayat Muslim)

Selain itu, marilah kita memperbanyakkan selawat dan salam kepada junjungan mulia Rasulullah صَلَّى اللَّهُ عَلَيْهِ وَسَلَّمَ. Firman Allah سُبْحَانَهُ وَتَعَالَى dalam Surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

Maksudnya: “Sesungguhnya Allah dan para malakait-Nya berselawat ke atas Nabi. Wahai orang-orang yang beriman! Berselawatlah kamu ke atasnya serta ucapkanlah selama dengan penghormatan yang sempurna.”

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ سَيِّدِ الْمُرْسَلِينَ وَعَلَى آلِهِ وَأَصْحَابِهِ وَالتَّابِعِينَ وَتَابِعِي التَّابِعِينَ وَتَابِعِيهِمْ بِإِحْسَانٍ إِلَى يَوْمِ الدِّينِ. وَارْحَمْنَا مَعَهُمْ بِرَحْمَتِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ انصُرْ مَنْ نَصَرَ الدِّينَ وَاخْذُلْ مَنْ خَدَلَ الدِّينَ وَدَمِّرْ أَعْدَاءَنَا أَعْدَاءَ الدِّينِ وَأَهْلِكَ الْكُفْرَةَ وَالْمُبْتَدِعَةَ وَالْمَشْرِكِينَ، وَأَعْلِ كَلِمَاتِكَ إِلَى يَوْمِ الدِّينِ. اللَّهُمَّ اكْفِنَا شَرَّ

الظَّالِمِينَ وَآكَفِنَا شَرَّ الْحَاسِدِينَ. وَآكَفِنَا شَرَّ مَنْ يُؤْذِينَا وَأَهْلِكَ مَنْ أَرَادَنَا بِالسُّوءِ يَا أَرْحَمَ الرَّاحِمِينَ.

اللَّهُمَّ آمِنًا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.  
اللَّهُمَّ وَفَّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ  
مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong,  
Sultan Ibrahim dan Kebawah Duli Yang Maha Mulia Seri Paduka Baginda Raja  
Permaisuri Agong, Raja Zarith Sofiah.

وَكَذَلِكَ صَاحِبِ الْفَخَامَةِ،

Tuan Yang Terutama Tun Dato' Seri Utama Haji Ramli bin Ngah Talib, Yang  
di-Pertua Negeri Pulau Pinang dan Yang Mulia Toh Puan Raja Dato' Seri  
Utama Noora Ashikin binti Raja Abdullah.

رَبَّنَا اغْفِرْ لَنَا وَلِإِخْوَانِنَا الَّذِينَ سَبَقُونَا بِالْإِيمَانِ وَلَا تَجْعَلْ فِي قُلُوبِنَا غِلًّا لِلَّذِينَ آمَنُوا  
رَبَّنَا إِنَّكَ رءُوفٌ رَحِيمٌ. وَالْحَمْدُ لِلَّهِ رَبِّ الْعَالَمِينَ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ الْفَحْشَاءِ  
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ. فَادْكُرُوا اللَّهَ الْعَظِيمَ يَذْكُرْكُمْ، وَاشْكُرُوهُ عَلَى  
نِعْمِهِ يَزِدْكُمْ وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.





جابتن حال إحوال اكمام إسلام قولاه فینخ  
JABATAN HAL EHWAL AGAMA ISLAM PULAU PINANG